

Björgunarfélag Vestmannaeyja



Ársskýrsla
Starfsárið 1998-1999

Ársskýrsla Björgunarfélags Vestmannaeyja

Skýrsla stjórnar.

Eftirfarandi skipuðu stjórn Björgunarfélags Vestmannaeyja, starfsárið '98-'99
Formaður, Adólf Þórsson.

Varaformaður, Bjarni Halldórsson.

Gjaldkeri, Sigurður Þórir Jónsson.

Ritari, Bjarni Sighvatsson.

Meðstjórnendur, Ólafur Einar Lárusson og Davíð Friðgeirsson.

Helstu aðburðir í starfi félagsins á starfsárinu:

Félagið hélt uppá 80 ára afmæli sitt á árinu. Opið hús var að því tilefni þar sem tæki og tól voru til sýnis auk bíla og björgunarbátsins Þórs.

Haldin var vegleg afmælismatarveisla í tilefni dagsins og mætti þar fjöldi eldri og yngri meðlima félagsins ásamt gestum. bárust féluginu fjöldi gjafa og kveðja.

Og í tilefni afmælisins gaf félagið út afmælisrit. Páll Arnar Georgsson var ritstjóri og hafði veg og vanda af útgáfu blaðsins sem var í alla staði hið veglegasta.

Í ljósi þess að við höfum misst mikið af mannskap upp á Ísland frá Eyjum og einnig að rekstur félags af okkar stærðargráðu krefst sífellt meiri tíma, ákvað stjórnin að taka það stökk að ráða starfsmann. Var ákveðið að ráða starfskraft í 50% starf til eins árs. Eftir það verður árangurinn skoðaður og kostir og gallar metnir,

Prír félagar okkar fóru í leiðangur til Frakklands og Sviss. Voru þeir að feta í fótspor "gömlu"mannanna sem fóru í slíka leiðangra skömmu eftir gos og urðu meðal fyrstu Íslendinga til að ganga á fjöll ss. Mont Blanc, Matterhorn og Kilimanjaro.

Þetta voru þeir Bjarni Halldórsson, Davíð Friðgeirsson og Einar Örn Arnarsson. Klífu þeir Mont Blanc í erfiðu færi og eyddu nærrí viku að bíða færir við Matterhorn, en urðu frá að hverfa vegna veðurs.

Á árinu var okkur, ásamt öðrum aðildarsveitum, afhent glæsileg "rústabjörgunarkerra" af Landsbjörgu. Búnaður kerrunnar stóreykur möguleika okkar á rústabjörgun ef stórslys verður. Kerran hefur verið reynd á æfingu og reyndist afbragðsvel. Teljum þetta stökk fram á við í björgunarmálum.

Félagið seldi fyrrum meðeigendum sínum hlut sinn í Básum. Undanfarin ár

Árskýrsla Björgunarfélags Vestmannaeyja

höfum við lítið sem ekkert notað húsið en haft af því umtalsverðan kostnað á hverju ári. Var því kærkomið að losna við okkar hlut.

Á sjómannadaginn síðastliðinn var félagið heiðrað vegna þáttar áhafnar björgunarbátsins Þórs í björgun fimm manna sem voru mjög hætt komnir er smábátur þeirra sökk við Bjarnareyjahorn.

Ákveðið var að hætta við jólaölsolu um síðustu áramót. Ma. vegna harðnandi samkeppni hefur gengið erfiðlega að selja jólaöl undanfarin ár, auk þess sem ekki veitir af mannskapnum í undirbúning flugeldasolu á sama tíma

Undanfarna mánuði hefur starfsmaður séð um miðvikudagskaffi í kaffistofu félagsins. Aukinn fjöldi félagsmanna kemur við á miðvikudagsmorgnum í kaffidrykkju og skipst er á sögum. Allir félagsmenn eru velkomnir á þessa samkundu kl. 9:30 á miðvikudagsmorgnum.

Árlegt göngurall var haldið í október. Góð þáttaka var að þessu sinni enda veður frábært. Guðmundur "Mummi" Vigfusson vann fyrsta flokk, Guðny Jensdóttir vann kvennaflokk og Guðni Grímsson vann í flokki "þroskaðra".

Á árinu var keypt GPS-staðsetningartæki í annan bílinn okkar sem gerir okkur hæfari í að takast á við æfingar og leitir uppi á landi.

Í tilefni afmælis félagsins, var húsnaði þess tekið í gegn. Veggir og loft voru málaðir. Gólf var díuklagt, lýsing lögð og eitt og annað lagfært.

Sú staða kom upp sl. sumar að Free Willy Keiko Foundation samtökin föluðust eftir því að leigja efri hæð húss félagsins. Sá hluti er í sameiginlegri eign Björgunarfélagsins og Skátafélagsins Faxa. Ljóst var að var að Faxi yrði að fara úr húsinu ef af leigu yrði. Eftir mikið þref var ákveðið að leigja húsið til eins árs en jafnframt er ljóst að ákvörðunin kostaði ónauðsynleg átök sem leiddu til þess að þessi félög færðust fjær hvort öðru.

Nokkur námskeið voru haldin á árinu s.s. aðkomu að flugslysi og bátanámskeið, en einnig nokkur vegna nýliðaþjálfunar.

Starfið á Þjóðhátiðinni gekk ágætlega í sumar. Mikill fjöldi gesta ofan af Íslandi mætti á hátiðina. Að vanda rigndi nokkuð. Fer það að vera í mynni elstu manna, að segja frá því að komi hafi Þjóðhátið þar sem ekkert rigndi. Að vanda störfuðu félagar okkar úr Garðabæ með okkur, auk nokkurra frá öðrum sveitum. Viðskipti við mótmáldara hafa sem betur fer færst í drengilegri og fastari skorður

Árskýrsla Björgunarfélags Vestmannaeyja

eftir að félögin voru sameinuð í eitt.

Auk venjubundinna flugeldasýninga sbr. þjóðhátið voru haldnar sýningar í tilefni sigurs ÍBV í bæði bikar- og deildarkeppni í knattspyrnu. Sá B.V. um myndarlegar flugeldasýningar á hafnarsvæði við komu sigurliðsins.

Eins og alheimur veit kom Keiko til Eyja sl. sumar. Björgunarfélagið var fengið til að sjá um öryggisgæslu vegna komu dýrsins. Vorum við með tugi manna á flugvelli og við flugvélina sem flutti dýrið. Einnig hlupu einir tíu meðfram vagninum sem flutti Keiko til hafnar svo og sáum við um gæslu á bryggju og við þá staði sem sérstök ástæða þótti til að líta eftir, en Keikó samtökunum höfðu borist ýmsar hótanir sem teknar voru alvarlega. Var til þess tekið að gæslan hefði vart verið meiri þótt Bandaríkjaforseti hefði komið í heimsókn. Að sjálfsögðu fór allt vel.

Undir lok starfsársins kom fram tillaga frá stjórnnum Landsbjargar og Slysavarnarfélagsins þess efnis að samtökin yrðu sameinuð. Að þessu hefur verið stefnt í mörg ár en hægt gengið. En á undrastuttum tíma virðist hafa tekist að gera út um flest ágreiningsmál og bendir nú flest til þess að sameining verði að veruleika á þessu ári.

Að vanda hafa félagar B.V. séð um viðhald viðvörunarljósa Flugmálastjórnar. Blikkljós þessi eru á toppi Heimakletts, Helgafells, Blátinds, Eldfells og Sæfells.

Meðal gjafa sem féluginu barst í tilefni afmælisins voru:

- Nætursjónauki af bestu gerð frá Rauðakrossdeildinni í Eyjum.
- Súrefnistæki með ýmsum fylgihlutum til nota í björgunarbátnum Þór, frá Kiwanisklúbbnum Helgafelli.
- Stórt sjónvarps og videótæki frá aðildarsveitum Landsbjargar.
- Vatnsþétt VHF talstöð frá Vestmannaeyjabæ, auk niðurfellingar skuldar.
- Fullkomin slidesmyndavél frá Hjálparsveit skáta Garðarbæ.
- Fullkomin siglingatölva í b/s Þór frá Bergvini Oddsyni útgerðarmanns Glófaxa VE
- Íslandshandbókin frá Skátaféluginu Faxa.
- Blómakörfur og kveðjur frá hinum ýmsu aðilum.

Í tilefni afmælisins var vígður hátiðarfáni félagsins.

Aldrei hefur félagið misst jafn marg að félaga úr starfi og seinustu tvö til þrjú árin. Óvenju margir félagar á þeim aldri sem hefði átt að fara að sjá um rekstur

Árskýrsla Björgunarfélags Vestmannaeysja

félagsins hafa farið til Íslands, ýmist til náms eða til vinnu og einnig á sjó. Skortur á mannafla hefur því háð starfi félagsins. Nú er unnið að því að þjálfa nýliða og hefur ágætur hópur lokið nýliðaþjálfun eitt og þjálfun næsta hóps er í undirbúningi. Enn munu líða eitt til þrjú ár þar til tekist hefur að afla nægilegra marga nýliða.

Fólksflótti til höfuðborgarsvæðisins er ekki aðeins vandi okkar félags heldur flestra sveita út á landi.

Útköll.

29.júní.1998.

Félagið var kallað út vegna tveggja manna sem farið höfðu á tuðru í Litlahöfða (Stakkabót) Hafði annar mannanna fallið við eggjatöku og mjaðmargindarbrotnað. Þar sem björgunarbáturinn Þór var á landi vegna viðhalds var farið á Viking ásamt tuðru með mannskap og tæki á slysstað. Greiðlega tókst að ganga frá hinum slasaða og koma honum í bát sem síðan flutti hann á sjúkrahús.

16.júlí 1998.

Kall kom frá lögreglu vegna manns sem talið var að hefði fótbrotnað í eyjunni Suðurey. Menn frá félagini fóru út í eyju og bjuggu um brotið. Var síðan sigið með hann í skelborum c.a. 60 metra niður, í bát sem síðan flutti hann í land.

09.ágúst.1998.

Beiðni barst frá úteyjarmönnum í Álsey um að B.V. kæmi á Þór og bjargaði tveimur Zodiac-bátum sem voru á bóli við eynna. Var komið vitlaust veður og ekki hægt að ná þeim á annan hátt.

Á sama tíma bárust boð frá Vm-radíó um að báttur þarfnaðist aðstoðar. Reyndist þar vera báttur með nokkrum köfurum um borð. Var farið með tuðurnar í Stafnes þar sem kafararnir voru teknir um borð. Var síðan farið með kafara og tuður að Eiðinu þar sem þeir syntu í land og tóku með sér tuðurnar. Veðurhæðin var ellefu vindstig.

23.nóv.1998.

Óveðursútkall, austan 12 vindstig og rigning. Þakplötur og klæðningar losnuðu.

Ársskýrsla Björgunarfélags Vestmannaeyja

24.nóv.1998.

Neyðarflugeldur sást á lofti. Farið var og austurströndið skoðuð. Um gabb virðist hafa verið að ræða.

12.jan.1999.

Óveðursútkall. Þakplötur á íbúðarhúsi negldar fastar. NV 10-12 vindstig.

16.jan.1999.

Einhver dýpsta lægð aldarinnar gekk yfir landið. Norðan átt 12 vindstig (13-14 í hviðum). Mörg útköll bárust. Rúður brotnuðu, þakplötur losnuðu, gámar fuku, bátar slitnuðu upp og allt lauslegt fauk. Nokkur útköll komu vegna bíla sem höfðu festst í snjó og í fjörum.

Útköll og ferðir á björgunarbátnum PÓR 1998-1999

26.03.1998

Neyðarkall frá Vestmannaeyjaradíó. Mardís VE sökk 39 mílur vestur af Eyjum. Þór hélt áleiðis að aðstoða skipverja en sneri við eftir að boð bárust um að þyrla Landhelgisgæslunnar hefði bjargað mönnunum úr sjávarháskanum.

08.04.1998

Farið í Þorlákshöfn og náð í varahluti fyrir Guðrúnu VE.

10.05.1998

Æfing. Skoðaðir steðjar á Bjarnarey og Elliðaey, æfð landtaka. Æfinginekk ekki vel.

12.05.1998

Farið til Þorlákshafnar með 6 manns af togaranum Klakki SH.

21.05.1998

Farið til Þorlákshafnar með 9 manns.

23.05.1998

Farið til Þorlákshafnar með kjörseðla og 1 mann.

Árskýrsla Björgunarfélags Vestmannaeyja

24.05.1998

Útkall á bátinn. 5 tonna hraðfiskibátur Góa RE hafði siglt á rekald og við það kom leki að bátnum. Mennirnir tveir er voru um borð höfðu vart undan við að dæla og ausa sjó úr bátnum, svo hann var tekinn í tog. Einnig tók Lóðsinn þátt í þessum björgunarleiðangri. Allt gekk vel.

25.05.1998

Sigt með túrista fyrir P.H. Viking sem hafði steytt á skeri og misst skrúfu og stýri.

25.05.1998

Góa RE dregin til Þorlákshafnar.

26.05.1998

Sigt með ferðamenn fyrir Gísla Magnússon og Pál Pálsson vegna þess að P.H. Viking var bilaður.

27.05.1998

Sigt með ferðamenn.

28.05.1998

Sigt með ferðamenn.

29.05.1998

Sigt með ferðamenn.

30.05.1998

Sigt með ferðamenn.

10.06.1998

Sigt með ferðamenn.

13.06.1998

Farinn þjónustutúr fyrir Harald Kristjánsson HF 2, með einn mann. Tekinn veikur sjómaður til baka. Farið í land og svo farið með menn úr HSSR í stutta bátsferð.

17.07.1998

Farið með menn á vegum Náttúrufræðistofnunar Suðurlands út í Surtsey. Sami hópur sóttur aftur að kvöldi.

Árskýrsla Björgunarfélags Vestmannaeyja

18.07.1998

Farið með starfsfólk Íslandsflugs út í Stafnes.

20.07.1998

Farið í Stafnes og gengið frá eftir ferð daginn áður.

26.07.1998

Farið í Surtsey með fólk frá Keikó-foundation.

30.07.1998

Farið í Þorlákshöfn að sækja Gæslumenn fyrir þjóðhátið, alls 38 manns!!!!

03.08.1998

Farið til Þorlákshafnar með 20 gæslumenn.

09.08.1998

Útkall v/tuðru sem slitnaði upp. Kafarar frá Sportkafarafélagi Íslands aðstoðaðir við að komast í land.

21.08.1998

Slasaður sjómaður sóttur um borð í Glófaxa VE.

10.09.1998

Keikó kemur til Eyja. Þór í löggæslu í höfninni og til taks ef þurfa þótti. Gekk vel.

17.10.1998

Útkall v/óveðurs í Klettsvík að beiðni Keikó-foundation. Miklar hviður voru og óttast að kviðið gæti slitnað upp.

20.09.1998

Farið með nýliðahóp í æfingaferð.

10.10.1998

Útkall. Sjómaður um borð í Glófaxa VE fékk vægt hjartaáfall. Maðurinn sóttur og komið undir læknishendur.

Árskýrsla Björgunarfélags Vestmannaeyja

07.02.1999

Útkall. Þórdís Guðmundsdóttir strandaði við Skegglutanga. Var mikið laskaður, mennirnir komust af sjálfdáðum upp á löggreglustöð eftir hjálp, dagurinn fór svo í að koma flakinu af trillunni til hafnar og á þurrt land.

08.03.1999

Farið á Þór í smá útsýnisferð, loðnuflotinn skoðaður á veiðum rétt austur af Eyjum.

01.03.1999

Útkall. Farið til móts við Sigurbáru VE 149 sem var með slasaðanmann. Tveir menn frá B.V. sendir um borð til að meta ástand sjúklingsins. Ákveðið var að hafa manninn um borð í Sigurbárunni á leið til hafnar og fylgdi Þór skipinu í land

13.03.1999

Veikur sjómaður sóttur um borð í Harðbak EA 303.

21.03.1999

Farið með erlenda ferðamenn í Klettshelli.

27.03.1999

Farið með Ford-fyrirsætur í Keikókví og stuttan útsýnistúr.

09.04.1999

Útkall. Slasaður sjómaður sóttur um borð í Gauk GK. Var illa brotinn á hendi eftir að hafa farið með handlegg í spil.

Ársskýrsla Björgunarfélags Vestmannaeyja

Skýrsla nýliðahóps

Um mánaðamótin apríl-máí var farið í 10. bekk í grunnskólana og starfssemin kynnt og boðið í heimsókn til okkar. Upp úr þessum veiðum fengum við 15 nýliða. Í byrjun máí hófst prógrammið, aðallega á fjallgöngum. Einnig var farið að síga, í hellaferð og útilegu. Í lok sept. hófust svo námskeiðin og hafa nú verið haldin 10 námskeið m.a. Skyndihjálp I og II, Almenn ferðamennska og rústabjörgun. Þeir nýliðar sem hafa lokið nýliðaþjálfun I fara núna í nýliðahóp II. Upp til hópa hafa nýliðarnir staðið sig vel og verið með góða mætingu.

Að lokum viljum við þakka nýliðum gott samstarf og vonum að þið standið ykkur jafnvel í Nýliðum II.

*f.h. Nýliðahóps
Bjarni Halldórsson
Davíð Friðgeirsson*

Skýrsla minningarsjóðs.

Á síðasta ári gekk sala minningakortanna mjög vel. Eins og áður sáu þær Þóra Egilsdóttir, Sigríður Magnúsdóttir og Emma Sigurgeirs dóttir um söluna og hafi þær þökk fyrir.

Á síðastliðnu ári voru gerðar breytingar á minningarkortunum. Nú eru þau orðin tvöföld og því meira pláss til þess að skrifa á þau.

Góðir félagar við hvetjum ykkur til þess að muna eftir sjóðnum þegar þið þurfið að senda minningarkort.

f.h. minningarsjóðs

*Sigríður Gísladóttir
Guðný Jensdóttir
Guðný Óskarsdóttir*